

# Et Jaor- en Produktverslag 2015

## Stichting Stellingwarver Schrieversronte



## Stichting Stellingwarver Schrieversronte,

Willinge Prinsstraote 10,

8421 PE Oldeberkoop/Berkoop

### Saemenstelling van et bestuur en de direktie op 31 december 2015

Et bestuur bestaot uut: Ype Dijkstra (veurzitter, Oosterwoolde), Hendrik Fokkema (siktaoris, Sunnege), Henk Koelma (ponghoolder, Hooltpae), Jan Baas (twiede veurzitter, De Oosterstreek), Peter Riksma (Zandpol), Jan Russchen (Oosterwoolde), Geke Zanen-Dokter (Zuudwoolde Gr.)

De direktie is ienheufdig en de funktie van direktie wodt uitvoerd deur Sietske Bloemhoff, Ni'jberkoop.

### Rechtsvorm, statutaire naeme, vestigingsplak, doelstelling

De statutaire naeme ludet in artikel 1 Naeme en zetel: Stichting Stellingwarver Schrieversronte en et vestigingsplak is officieel Oosterwoolde, gemiente Oost-Stellingwarf. De doelstelling in de statuten is vaastelegd in artikel 2. Doel 1. *De Stichting stelt zich ten doel het Stellingwerfs als levende streektaal te handhaven en te bevorderen. 2. Zij tracht dit te bereiken door: a. het zelf uitgeven of doen uitgeven dan wel het bevorderen van het verschijnen van publicaties in het Stellingwerfs; b. het bevorderen van het gebruik van het Stellingwerfs als spreek- en schrijftaal in het Stellingwerver taalgebied; c. het verzamelen, bewaren en ter inzage leggen van publicaties in het Stellingwerfs; d. het organiseren en bevorderen van bijeenkomsten, waarin het Stellingwerfs als voertaal wordt voorgestaan; e. bij te dragen aan de verbreiding van de kennis van en over het Stellingwerfs; f. bij te dragen aan het vastleggen, handhaven, zo mogelijk verlevendigen of doen herleven van oude gebruiken in de Stellingwerven; g. bij te dragen aan de verbreiding van kennis van de Stellingwerver geschiedenis en folklore; h. het onderhouden en bevorderen van kontakten met personen, groepen en instellingen, die geacht worden het Stellingwerfs en de uitingen hierin te bevorderen of te willen bevorderen; i. alle andere wettige middelen, welke voor het doel der stichting bevorderlijk kunnen zijn.*



*Op 9 december was in et perveensiehuus in Liwwadden de prissentaoisie van et bieuzondere boek 'Over grote beren en knuffels' van Xavière Kolk. Et eerste exemplaor van et boek, dat bedoeld is om misbruuk van kiender beter bespreekber te maeken, was veur kultuurdippeteerde Vrouw Sietske Poepjes.  
(Foto: Lenus van der Broek)*

# ET JAOR- EN PRODUKTVERSLAG 2015 VAN DE STICHTING STELLINGWARVER SCHRIEVERSRONTE

Et bestuur van de Stichting Stellingwarver Schrieversronte bödt et jaorverslag 2015 an. Et bestuur konstateert dat d'r in et jaor 2015 verschillende aktiviteiten van de stichting uitvoerd of opzet binnen en tot mooie risseltaoten leided hebben of leiden gaon.

De Stellingwarver Schrieversronte is ok in 2015 veerder gaon mit et ontwikkelen en uitvoeren van aktiviteiten zoas die in 2012 weergeven binnen in de nota 'Stellingwarf veuruut'. Opni'j bin meerdere toekomstgerichte kontakten legd mit de Stellingwarver dörpen in et kader van 'Mit et Stellingwarfs naor de dörpen toe'. Daornaost is d'r veul wark verzet op et gebied van de veerdere digitalisering van o.e. et Kenniscentrum. Veur et herorganiseren van dat ienige Stellingwarver Kenniscentrum in de Stellingwarver regio zetten heur een groep van zeuven vaaste vri'jwilligers wekeliks in. Opni'j wodt dudelik dat de Stellingwarver Schrieversronte ok op et gebied van achtergrondinfermasie in een belangrieke funktie veurzicht veur de inwoners van Stellingwarf, mit daorbij extra ommedaenken veur de jeugd. De Schrieversronte blift op verschillende fronten saemenwarken mit ere instituten of groepen. Zo wodde d'r dit jaor opni'j een prachtige saemenwarking mit Stichting Handboekbinden en stichting Open Stal begonnen om in 2017 veur een biezondere manifestaosie zorgen te kunnen rond et ontwikkelen, klaormaeken en uitgeven van boeken 'Van boom tot boek'. De Schrieversronte bleef butendat ok now weer aktief op et gebied van et toerisme in oonze mooie regio.

De belangstelling van jongere meensken veur de eigen streektael en streekkultuur blift gruuien. Bij sommigen utert him dat in et opvraogen van studiemateriaol, eren geven bij de Stellingwarver Schrieversronte al kursussen of powerpoint-prisentaosies. De holing van de jeugd t.o.v. de streektael is in tegenstelling tot een tal jaor leden positief, een kentering die de hieltied meer deur liekt te zetten.

De belangstelling veur de uitgiften van de Stellingwarver Schrieversronte stemt ok dit jaor tot grote tevredenheid. Et anbod van inhoudelik goeie manuskripten blift goed. Schrievers, ok de jongere schrievers, weten et pad naor de uitgeverijje van de stichting goed te vienen. De belangstelling van lezers en et koperspeblik blift op peil.

*Konklusie: et bestuur stelt vaaste dat et belangstelling tonen veur et Stellingwarfs en de Stellingwarver streekkultuur nog de hieltied gruuit.*

## **Verslaglegging**

Veur de financiële verslaggeving van de Stichting Stellingwarver Schrieversronte en van de Stichting Et Boekefoons zorgde MRW-Accountants in Wolvege.

## **Saemenstelling bestuur**

Et bestuur bestuurt op heufdlijnen, neffens et principe cultural government. De direktur adviseert et bestuur over inhoudelike zaeken en ontwikkelt et ni'je warkplan, dat deur et bestuur vaastesteld en dat vervolgens veurlegd wodt an o.e. de subsidiegevers (de beide Stellingwarver gemienten en de perveensie Friesland). Et bestuur vergeerderde in et verslagjaor zeuven keer.

## **Saemenstelling bestuur in december 2015**

<b>Veurzitter:</b>	Ype Dijkstra, Oosterwoolde
<b>Siktaoris:</b>	Hendrik Fokkema, Sunnege
<b>Ponghoolder:</b>	Henk Koelma, Hooltpae
<b>Twiede veurzitter:</b>	Jan Baas, De Oosterstreek
<b>Leden:</b>	Hendrik Fokkema, Sunnege, Jan Russchen, Oosterwoolde, Geke Zanen-Dokter, Zuudwoolde

## Passeniel

De overlegstruktuer binnen de organisaosie is as volgt: ien keer in zes weken is d'r warkoverleg en aanderhalve weke veur elke bestuursvergeerdering hebben veurzitter, ponghoolder en direkteur een ofstemmingsoverleg.

### *In dienst in et verslagjaar:*

Sietske Bloemhoff, direkteur 24 uren, Stellingwarfs binnen hiemkunde 8 uren.

Trijnie Telkamp, administratief wark, projektbegeleiding en DTP *De Ovend*, 24 uren.

Immy Sloot-Brugge, administratief wark en financiële administraosie, 16 uren.

Saskia Douma, 8 uren kennis- en dokumentaosiecentrum.

Ninke van der Veen, 3 uren in de maond, webmaster.

### *Vaaste vri'jwilliger:*

Rosa Bosma, huushooldelike dienst, 3 uren.

Klaas Dijkstra, beheerder hiemkundewebstee, 3 uren.

### *Vri'jwilligers:*

Veur de Stellingwarver Schrieversronte zetten heur jaarliks, op wat veur meniere dan ok, zoe'n 200 personen in.

## Kemmissies en warkgroepen

Binnen de Stichting Stellingwarver Schrieversronte funktioneren de volgende kemmissies:

### ■ **warkgroep kursusleiding Stellingwarfs veur beginners**

(Henk Bloemhoff, Geert Lantinga en Mark van Veen)

### ■ **veldnaemekemmissie**

(de kemmissie komt bi'j mekeer wanneer neudig; koördinaosie Henk Bloemhoff)

### ■ **redaktie De Ovend**

(Jannes Westerhof, Jan Koops; buroredakteur Sietske Bloemhoff)

### ■ **saemenstelling jaarlikse kelender**

(Sietske Bloemhoff)

### ■ **sutelaktiekemmissie**

(Fenna van der Meulen, Margje van der Meulen, Koop Oosterloo en Sietske Bloemhoff)

### ■ **warkgroep Publiciteit**

(Gerrie Koopstra, Anneke Koopstra, Koop Oosterloo, Akkie Zeilstra, Albertha Zwaagstra)

### ■ **kemmissie Stellingwarver streeknaemen op 'e kaorte**

(Geert Lantinga, Henk Bloemhoff (koördinaosie); disse kemmissie komt bi'j mekeer wanneer neudig)

### ■ **warkgroep Stellingwarfpop / Stellingwarfs Meziekfestival**

(Klaasje Herder, Kjest Herder, Piet Tjassing en Sietske Bloemhoff)

### ■ **warkgroep Dokumentaasiecentrum/Kenniscentrum**

(Fettje Alten, Hendrik Betten, Margreet Bergsma, Kiena Bouwer, Saskia Douma (buro), Martha Dragt, Jaap Elzenaar, Jan Koops, Kees Koopstra, Ankie Verbaan, Jan de Vries, Sietske Bloemhoff (koördinaasie))

### ■ **warkgroep rouwverwarking**

(Grietje Bosma, Attie Nijboer)

### ■ **warkgroep konversaasiekursus Praotgroep Stellingwarfs**

(Ypie v.d. Boer, Sietske Bloemhoff)

### ■ **warkgroep netuurekursies**

(Hans Lanting, Harm Smid, Andries van der Veen, Freddie de Vries en Sietske Bloemhoff)

### ■ **Warkgroep De Lende**

(Henk Bloemhoff, Geert Lantinga, Meindert Schroor, Jan Slofstra, Dennis Worst, Jan Slofstra en Sietske Bloemhoff)

## **Vertegenwoordigers**

De Stichting Stellingwarver Schrieversronte is vertegenwoordigd in:

- **et bestuur van de Stichting Sont** (dr. Henk Bloemhoff)
- **Stellingwarf kultureel** (Ype Dijkstra, Sietske Bloemhoff)
- **literaire warkgroep 'Alles rondom taal', Stichting Kunstwerf** (Sietske Bloemhoff)
- **et bestuur van et museum Oold Ark** (Roelof Gorter, nao 23 juni vakketure)
- **bestuur lekaole omroep Odrie** (Attie Nijboer)
- **jury H.J. Bergveldpries** (Peter Riksma)
- **warkgroep H.J. Bergveldpries** (Sietske Bloemhoff, adviseur)

### **Webstee [www.stellingwarfs.nl](http://www.stellingwarfs.nl)**

De algemiene webstee van de Stichting Stellingwarver Schrieversronte wodde de hieltied aktueel hollen deur et buro. Dr. Henk Bloemhoff is op vri'jwillige basis webredakteur.

### **Webstee [www.stellingplus.nl](http://www.stellingplus.nl)**

De webstee [www.stellingplus.nl](http://www.stellingplus.nl) wodde veerder uutbouwd deur webmaster Ninke van der Veen. De koördinaasie van de warkzemheden d'r veur en de webredaktie wo'n verzorgd deur Sietske Bloemhoff.

### **Webstee [www.stellingia.nl](http://www.stellingia.nl)**

Op [Stellingia.nl](http://www.stellingia.nl) bin dit jaor opni'j biezondere kollekties uut et Kenniscentrum van de Stellingwarver Schrieversronte plaetst. Ok bin veul boeken plaetst die uutverkocht binnen, et tiedschrift De Ovend, de Stellingwarver Spreukekelenders en een beschrievende Index van De Ovend. De koördinaasie is in hanen van Sietske Bloemhoff, et bouwen en veerder ontwikkeljen van de webstee gebeurt deur Ninke van der Veen.

### Wark- en financiële situaosie

Bi'j et bestuur van de Stichting Stellingwarver Schrieversronte bleven ok in 2015 de toch al grote zorgen over de financiële situaosie. Dat komt mit naeme deur de kottings van de laeste peer jaor.

Ledewinakties zoas tiedens de Stellingwarver Dag, en akties as 'Vrientien veur 'n tientien' leveren niet genoeg op om zokke kottings op te vangen. Juust in een tied dat mit naeme kulturele instellings mit een weeromlopend tal leden te maeken krigt, zit dat d'r niet in. Et idee dat deur veerdergaonde saemenwarking mit Friese instituten as Tresoar, Afûk en Fryske Akademy uitvoeringskosten bespeerd wodden kunnen zollen, bleek indertied nao een uutvoerig onderzuuk finansiëel ok niet te kloppen. Gelokkig kon de stichting, deur extra financiële middels van bepaolde foonsen, sommige aktiviteiten of uitgften toch tot uutvoering brengen. Butendat zit de verkope van boeken weer wat in de lift.

### Toekomst

In et jaor 2015 is opni'j een veerder vervolg geven an de uutbreiding van aktiviteiten en de uutvoering doarvan deur vri'jwilligers. Mit naeme de direkteur het daar in et verslagjaor flink tied an besteded, en mit sukses. Zo is d'r een groep van zeuven vaaste vri'jwilligers ien of meer dagdielen in de weke bi'j de Schrieversronte an et wark t.b.v. et Kenniscentrum en de webstee stellingja.nl.



*Dit jaor wodde de sutelaktie eupend deur Twiede Kaemerlid Lutz Jacobi. Jacobi gong daornao ok mit de kroje de straote uut om zoveel meugelik an Stellingwarver boeken te verkopen. Ze dee dat tegere mit Johan Veenstra, en et sutelduo dee, in Ni'jhooltpae, ommeraek goeie zaeken. Behalven dat Lutz Jacobi heur mitien anmeldede veur de sutelaktie van 2016, nuugde ze alle sutelders ok om bi'j heur op bezuuk te kommen in Den Haag. Een groep van rond de veertig personen zal op 9 maart 2016 die kaante opgaon. (Foto: Lenus v.d. Broek)*

## PRODUKTVERSLAG 2015

### A 1. INFERMAOSIE, ADVIES EN PUBLICITEIT

In et verslagjaor verschenen d'r een flink tal passeberichten deur et hiele verslagjaor henne, die naor zoe'n twintig verschillende media sturd wodden. Niet allierend veur de boekuitgiften, mar lieke goed veur alle aktiviteiten was d'r in de verschillende media een protte ommedaenken. Behalven de verschillende passetiedinges wodde d'r ok een tal interviews geven.

### A 2. KENNISCENTRUM

#### Digitaliseren van tidschrifte- en kraanteartikels

In 2015 was mitwarkster Saskia Douma veural drok mit et herorganiseren van et Kenniscentrum. Ze kreeg daarbi'j de hulpe van een groep van tien vri'jwilligers, dat bin: Fettje Alten, Hendrik Betten, Margreet Bergsma, Kiena Bouwer, Martha Dragt, Jaap Elzenaar, Jan Koops, Kees Koopstra, Ankie Verbaan en Jan de Vries. De koördinaosie was in hanen van Sietske Bloemhoff. Zeuven d'r van weren wekeliks ien of meer dagdielen doende mit et digitaliseren van mit naeme biezondere kollekties, et tidschrift De Ovend en boeken die niet meer leverber binnen. Et digitaliseren is bedoeld om alle materiaal goed veur de toekomst te beweren, mar ok t.b.v. de speciaole webstee veur et Kenniscentrum **www.stellingia.nl**. As alles uut et Kenniscentrum scand en invoerd is gaot et om meer as 100.000 titels. De webstee **www.stellingia.nl** wodt daormit een biezondere en unieke webstee, die mit naeme veur leerlingen van et vervolgonderwies, studenten Nederlaans en geschiedenis, historici en ammeteur-historici van groot belang wezen zal. In 2015 wodde ok de beschrijving van de index van de haandbiebeltheek ofrond en vervolgens op Stellingia.nl plaetst.

#### Bezukers an de haandbiebeltheek en et kenniscentrum

Ok dit jaor was d'r weer riegelmaatig bezuuk van personen die materiaal raodplegen wollen in et Kenniscentrum. Belangstellenden veur tael en historie kun gebruik maeken van de daarveur inrichte studiekaemer om de gegevens uut o.e. de haandbiebeltheek en et Kenniscentrum in te zien. Vanof begin 2015 is de index van de haandbiebeltheek in te zien op Stellingia.nl. Daornaost wodde begonnen mit een indexbeschrijving van de biezondere en unieke kollektie boeken op et gebied van de iemkeri'je. De boeken uut de haandbiebeltheek en et Kenniscentrum, mar ok de speciaole kollekties, foto's, geluudsmateriaol etc. wo'n niet uutliend. In dit verslagjaor weren d'r weer mit riegelmaat vraogen van studenten van verschillende universiteiten en hogeschoelen. Vaeke bliekt dat van teveuren infermaosie haeld is van de webstee **Stellingwarfs.nl**. In 2015 wodde ok de hieltyd meer gebruik maekt van **Stellingia.nl**. Veul interesseerden kun now thuus alvast een indrok kriegen van wat d'r in et Kenniscentrum te vienen is an inhoudelike infermaosie. Et tal vraogen dat via internet en tillefoon binnenkomt was dit jaor roem boven de driehonderd. **Beriek: roem boven de 300 personen**

#### Warkgroep Kenniscentrum

De warkgroep Kenniscentrum kwam op 9 juni en 25 november bi'j mekeer. Praot wodde over de staand van zaeken van de warkzemheden van de vri'jwilligers en beroepskrachten t.b.v. et Kenniscentrum. De warkgroep bestaot uut Fettje Alten, Hendrik Betten, Margreet Bergsma, Sietske Bloemhoff, Kiena Bouwer, Saskia Douma, Martha Dragt, Jaap Elzenaar, Jan Koops, Kees Koopstra, Ankie Verbaan en Jan de Vries. Op zaoterdag 22 november wodde een eerste eupen dag holen, waar roem 75 interesseerden op ofkwammen. **Beriek: roem 75 personen**



*Op 13 april eupende burgemeester Harry Oosterman van Oost-Stellingwarf een biezondere tentoonstelling rond de Twiede Wereldoorlog. Bij die eupening weren kiender van basisschoele De Lamer betrokken.*

## B. EDUKAOSIE

### B 1. KURSUSSEN VEUR VOLWASSENEN

#### 1. Stellingwarfs veur beginners

In november gong in De Hoeve een kursus 'Stellingwarfs veur beginners' uut aende. De kursus is ni'j van opzet, en zal now de hiel tied in een aander dörp anbeuden wodden. Daornaost is de kursus wat kotter, i.p.v. tien lesaovens bin d'r now zes aovenden en een ofslutende exkursie. De kursusleiding bestaot uut dr. Henk Bloemhoff, Geert Lantinga en Mark van Veen. **Dielnemers: 8**

#### 2. Snuffelkursus Stellingwarfs

De 'Snuffelkursus Stellingwarfs' is mit naeme bedoeld veur ni'je inwoners van Stellingwarf. Tiedens de kursus, die uut vier aovens bestaot, kan 'snuffeld' wodden an verschillende facetten van de streekcultuur, zoas de tael, de historie, de netuur en de literatuur. De kursus wodde geven deur Henk Bloemhoff, Jan Koops, Geert Lantinga, Ruurd Jelle van der Leij, Freddie de Vries, Jan de Vries, Jannes Westerhof en Dennis Worst. **Dielnemers: 6**

#### 3. Kursus Laandschopsgeschiedenis

Veur de dadde keer wodde de kursus Laandschopsgeschiedenis geven, dit keer in Appelsche. Et doel van de kursus, die ontwikkeld is deur drs. Dennis Worst, is in et kot: 'et lezen leren van et laandschop'. De kursus die uut vier lesaovens en twee exkursies bestaot, wodde geven deur Corné Joziasse, Henk Bloemhoff en Dennis Worst. **Dielnemers: 27**

#### 4. Flitskursus Stellingwarfs

Op zaoterdag 21 maart wodde d'r veur et eerst een Flitskursus Stellingwarfs anbeuden an raodsleden van de Stellingwarver gemienten en staoteleden van de perveensie. De kursus wodde geven deur drs. Dennis Worst, Geert Lantinga, dr. Henk Bloemhoff en Freddie de Vries. **Dielnemers: 9**



*Veur de kursus laandschopsgeschiedenis in Appelsche was flink belangstelling. Links op 'e foto initiatiefnemer en kursusleider drs. Dennis Worst. (Foto: Lenus v.d. Broek)*





*Veur de netuurekursies, die speciaal veur et vak hiemkunde in et basisonderwies ontwikkeld wodden, is de hieltied meer belangstelling. (Foto: Lenus v.d. Broek)*

## **B 2. HIEMKUNDE**

In 2015 wodden acht uren in de weke besteded an de ontwikkeling van Stellingwarfstaelig en hiemkundig lesmateriaol veur et vak Hiemkunde in et basisonderwies in de gemienten Oost- en West-Stellingwarf.

*In et verslagjaar wodde zorgd veur et volgende materiaol:*

- *Veur groep 1 en 2:* veur disse groepen wodden ni'je verhaelen schreven die op de speciaole hiemkunde-webstee **[www.stellingwerf-heemkunde.nl](http://www.stellingwerf-heemkunde.nl)** te lezen en te heuren binnen. Ok et bi'jheurende verwerkingsmateriaol is op die webstee opneumen. Veerder wodde bestaond lesmateriaol bewarkt en digitaal anpast.
- *Veur groep 3 en 4:* veur disse groepen bin n.a.v. de kienderboekeweke Stellingwarver verhaelties schreven of vertaald. Ok die verhaelen bin op de hiemkundewebstee plaetst mit bi'jheurende opdrachten. Bestaond lesmateriaol is bewarkt en digitaal anpast.



*Leerlingen van o.e. de basisschoole van De Haule weren op bezuuk in et Kenniscentrum op zuke naor historische gegevens uut en over heur dörp. (Foto: Sietske Bloemhoff)*

■ *Veur groep 5 en 6:* I.s.m. Geert Lantinga is een PowerPoint ontwikkeld over de geschiedenis van Stellingwarf. De PowerPoint is op de hiemkundemiddag zien laoten en wodt nog bi'jschaefd. In 2015 wodden opni'j netuurexkursies hollen veur een achttal schoelen. Bi'j et boek 'Vissen, amfibieën en reptielen in Stellingwarf' wodde lesmateriaol ontwikkeld. In et veurjaor was d'r een tentoonstelling over de Twiede Wereldoorlog in de regio. D'r wodde een speciaole lesbrieft veur disse tentoonstelling ontwikkeld. Ok was d'r ondersteuning bi'j et projekt *Vroeger-Dichtbij*. O.e. kiender van de basisschoele van De Haule maekten kennis mit et Kenniscentrum van oonze stichting.

■ *Veur groep 7 en 8:* Ok veur disse groep wodde lesmateriaol ontwikkeld dat anslöt bi'j de PowerPoint over de geschiedenis van Stellingwarf. Die PowerPoint zal nog op de speciaole Hiemkundewebstee plaetst wodden. Krek as veur de kiender van de groepen 5 en 6 was de tentoonstelling over de Twiede Wereldoorlog ok bestemd veur de groepen 7 en 8. Verschillende groepen 7 en 8 maekten ok gebruik van et netuurexkursie-anbod.

### Biezondere projekten

1. In et verslagjaor wodde in basisschoele De Klaeter in De Hoeve een geschiedenisprojekt in kombinaosie mit een foto-opdracht geven in een viertal lessen. Et risseltaot zol wezen dat leerlingen mit een foto en kotte tekst dudelik maekten van wat in heur ogen biezonder is in heur eigen dörp. Ien en aander zol te zien wezen op de Stellingwarver Dag op 31 oktober. Veur de lessen zorgden Geert Lantinga en Sietske Bloemhoff.

2. Veur een hiemkundig projekt over et (Fochtelers)vene op basisschoele De Riemsloot in Appelsche wodde ondersteuning beuden bi'j et anleveren van mit naeme historische gegevens. Daornaost wodde veur een speciaole lesbrieft zorgd, mit ommedaenken veur de historie en de tael.

*Hiemkundewebstee [www.heemkunde-stellingwerf.nl](http://www.heemkunde-stellingwerf.nl)*

De speciaole webstee [www.heemkunde-stellingwerf.nl](http://www.heemkunde-stellingwerf.nl) veur et basisonderwies wodde de hietied veerder uitgebreid. Alle lesmateriaol wodt plaetst deur vaaste vri'jwilliger Klaas Dijkstra. Daorbi'j gaot et om ni'j ontwikkeld materiaol, mar ok lesmateriaol dat eerder ontwikkeld wodde, wodt digitaliseerd en op de webstee plaetst.



## Hiemkundemiddag

In et verslagjaor was hiemkundemitwarkster Sietske Bloemhoff ok betrokken bi'j verschillende veurleesprojekten en bi'j et overleg mit verschillende aanbieders van lesmateriaol van onderwiesburo Comperio en KEK (keunst- en kultuuredukaosie). Op woensdag 30 september wodde de jaorlikse hiemkundemiddag veur et onderwiesend passeniel in Stellingwarf orgeniseerd. Tiedens die middag is d'r ommedaenken veur et ni'jste lesmateriaol en is d'r tied veur vraoge en anbod.



### B 3. TOMKE

In meie verscheen veur de tiende keer de Stellingwarver edisie van *Tomke*. Tomke is de naeme van een leesbevodderingspergramme veur ukken in Friesland, dat in een saemwarkingsverbaand mit de Afûk ontwikkeld wodt. Veur de Stellingwarver vertaeling zorgde Sjoukje Oosterloo. Van et Stellingwarver Tomke-boekien wo'n ieder jaor 1000 exemplaren drokt, alle ukken in de Stellingwarver kriegen et boekien deur de Schrieversronte ommenocht anbeuden. **Beriek: omdebi'j 900**

Dit jaor wodde veur de achtste keer mitdaon an et veurleesprojekt Tomke dat in juni hollen wodt. Zowat alle ukkespeulplakken en plakken veur kien-deropvang in Stellingwarf doen hier an mit. Zoe'n twintig vri'j-

*Dippeteerde Vrouw Sietske Poepjes lest in Noordwoolde veur uut Stellingwarver Tomke. Vrouw Poepjes maekte mitien van de gelegenheid gebruik om an te geven hoe belangriek ze dit projekt veur alle taelen in de perveensie vint. (Foto: Lenus v.d. Broek)*

willigers zetten heur hierveur in. De koördinaosie wodde verzorgd deur de vri'jwilligers Wikje Haan en Akkie Zeilstra. De aktie wodt in gezaemelikhied uitvoerd mit 'It Selskip foar Fryske tael en schariftekennisse'. Rond de 800 ukken kommen zo mit et Stellingwarfs in anraeking.

**Beriek: omdebi'j 800**

### B 4. DE VERTELKOFFER EN DE VERTELJASSE

De Stellingwarver Schrieversronte dot sund 2014 mit an et vertelprojekt 'De vertelkoffer' van Tresoar en ontwikkelde zels et projekt 'De verteljasse'. Beide projekten bin veural bedoeld veur et basisonderwies, mar ok ukkespeulplakken kun van de projekten gebruik maeken.



## C. PUBLIKAOSIES

### 1. De Ovend

In 2015 verscheen de 43<sup>e</sup> jaargaank van et tiedschrift *De Ovend* mit zes nommers. Alle zes nommers van *De Ovend* telden 32 bladzieden in een oplaoge van 1150 stoks. De redaktie beston uut Jan Koops en Jannes Westerhof, wiels de buroredaktie in hanen was van Sietske Bloemhoff. Trijnie Telkamp zorgde veur de tekstverwerking en zorgde ok veur de vormgeving van et tiedschrift. Et tiedschrift wodt drokt en verstuurd deur Pijper Media in Grunningen.

**In 2015 konnen de volgende boeken uitgeven wodden:**

#### 1. *Vissen, amfibien en reptielen in Stellingwarf*

Op 7 feberwaori verscheen et boek *Vissen, amfibien en reptielen in Stellingwarf* van Henk Jager, mit foto's van Klaas van der Veen. Et meerste wark veur et boek gebeurde in 2014. Dat et projekt wat vertraoging opleup had te maeken mit de financiering. (Oplaoge **500** stoks)

#### 2. *Fietsen in en bij Noordwolde*

#### 3. *Wandelen bij Waskemeer*

In et veurjaor verschenen opni'j twie toeristische routegidsen. Et gong daorbi'j in et eerste plak om de routegids *Fietsen in en bij Noordwolde* (Titus de Boer en Jan de Vries). Et is et zesde gidsien in een serie van meer. Daornaost verscheen ok de routegids *Wandelen bij Waskemeer*, schreven deur Bauke Visser Koenders m.m.v. Leny Madou. Eerder verschenen *De buurtschappen van Oosterwolde*, *Taalfietstocht rond Berkoop*, *Wandelen rond Wolvega*, *Fietsen in en om Appelsche en Langs oolde en ni'je hooltpaeden* (Oplaoge van elk **500** stoks)

#### 4. *Jongesjaoren*

Vlak veur de jaarlikse sutelaktie verscheen et boek *Jongesjaoren* van Gerrit Hof (1942 - 2012). Et boek gaot over de tied dat de schriever opgruude in een typisch Stellingwarfs dörp; Berkoop. Et boek zol an et aende van et jaor uutverkocht wezen. (Oplaoge: **300** stoks)

#### 5. *Een vrouw van ivoor*

Tiedens een kulturele aovend verscheen op 20 augustus et 25e boek van Johan Veenstra. Et eerste exemplaar was veur de bekende Drentse schriefster Marga Kool. *Een vrouw van ivoor* is diels autobiografisch, et telt 176 bladzieden (Oplaoge **1000** stoks)

#### 6. *Over grote beren en knuffels*



Op 9 december wodde et eerste exemplaar van *Over grote beren en knuffels* utrikt an kultuurdippeteerde Sietske Poepjes. Et boek is bedoeld om misbruuk van kiender makkeliker bespreekber te maeken. In et boek is et verhael in et Stellingwarfs, Bildts, Fries en Nederlaans opneumen. (Oplaoge **1000** stoks)

#### 7. *De Westhoek*

In et verslagjaor wodde begonnen mit een biezunder boek over de Westhoek van West-Stellingwarf. Auteur Jan de Vries verzaemelde veul gegevens en fotomateriaol en maekte een eerste opzet. Deur omstaandigheden lokte et him niet et manuskript in 2015 of te ronden. Et boek verschient daoromme in 2016.

#### 8. *Stellingwarver Zaeken*

Veur de regionaole kraanten *Nieuwe Ooststellingwerper* en *Stellingwerf* wodde ien keer in de drie weken zorgd veur de bladziede *Stellingwarver Zaeken*. Et redaktie- en korrektiewark veur disse ni'js- en verhaelebladziede is in hanen van Sietske Bloemhoff, vaaste mitwarkers bin Roely Bakker, Christine Mulder, Sjoukje Oosterloo, Henk Bloemhoff, Harmen Houtman en eren. De kraanten wo'n deur zo'e'n **10.000** meensken lezen.



## C 2. Taelstimulerende en Aandere Aktiviteiten

In 2015 bin weer verschillende taelstimulerende en aandere aktiviteiten ofsleuten en ni'je op gang brocht:

### 1. Aktiviteiten

■ Op 7 feberwaori was de **prissentaoisie van et netuurboek 'Vissen, amfibien en reptielen** van Henk J. Jager, mit foto's van Klaas van der Veen. De beide eerste exemplaoren wodden uutrit an de Stellingwarver wethoolders van kultuur Sierd de Boer (Oost-Stellingwarf) en Frans Kloosterman (West-Stellingwarf). **Bezukers: 35**



*V.l.n.r.: Netuurfotograaf Klaas van der Veen, wethoolder Sierd de Boer, auteur Henk Jager en wethoolder Frans Kloosterman mit et ni'je netuurboek. (Foto: Lenus van der Broek)*

■ Op 1 maart was in et gemientehuis van Roden de **uutrikkinge van de Streektaelpries van et Dagblad van et Noorden**. Veur disse priis wodde et boek 'Van schossel tot slingerpad' nommeerd.

**Belangstellenden: rond de 200**

■ Op 21 maart wodde veur et eerst een **Flitskursus Stellingwarfs** anbeuden an de raodsleden van de beide Stellingwarver gemienten en de staoteleden van de perveensie. Tiedens de kursus is d'r ommedaenken veur de tael, de historie, de geschiedenis van et laandschap en de netuur. De kursus wodde geven deur dr. Henk Bloemhoff, Geert Lantinga, Freddie de Vries en drs. Dennis Worst. De kursus zal in et vervolg ieder jaar anbeuden wodden. **Dielnemers: 9**

■ Op 13 april wodde de **tentoonstelling 'De Twiede Wereldoorlog'** in de regio' eupend deur burgemeester Harry Oosterman van Oost-Stellingwarf. De tentoonstelling, die twee weken duurde, wodde orgeniseerd i.s.m. et dörpsarchieff van Berkoop en was veural bedoeld veur et basisonderwies. Mar ok ere belangstellenden konnen de tentoonstelling bezuken.

**Bezukers: roem 600**



*De Stellingwarver schrievers Sjoukje Oosterloo, Johan Veenstra, Christine Mulder en Roely Bakker (v.l.n.r.) weren present in Roden, krek as Schrieversronte direkteur Sietske Bloemhoff, vanwegens de nommenaosie van 'Van schossel tot slingerpad'. (Foto: Lenus van der Broek)*

■ Van 18 meie of tot an 29 juni was d'r in et SSR-gebouw een **tentoonstelling** mit wark van de Lendeschilderesse Annie Ligthart van Oosterwoolde. Veul meensken kwammen tiedens de kantooruren de schilderijen van De Lende bekieken.

**Bezukers: roem 500**

■ Op 21 meie begon de **passenielsreize van de Fryske Akademy** bi'j de Stellingwarver Schrieversronte in Berkoop. Nao de welkomstwoorden van veurzitter Ype Dijkstra hul dr. Henk Bloemhoff - hi'j is gaastonderzucker bi'j de FA - een inleiding over et Stellingwarfs Woordeboek. Sietske Bloemhoff vertelde over et Stellingwarfs binnen et vak Hiemkunde in et basisonderwies. **Belangstellenden: 90**

■ Op 1 juni was de feestelike eupening van de **Tomke-veurleesweke**. In et ukkespeulplak van Noordwoolde wodde uut et ni'je Tomke-boekien veurlezen deur Kultuurdippeteerde Vrouw Sietske Poepjes.

**Belangstellenden: 30**

■ Op 13 juni ston et gebouw van de Schrieversronte in et teken van et **bridgeweekaende** bi'j Hotel Lunia. Dielnemers an et weekaende kwammen zo ok in de kunde mit et wark van de Stellingwarver Schrieversronte.

**Belangstellenden: 100**

- Op 18 juli was in Appelsche et **Stellingwarfs Meziekfestival**. Et festival wodde veurofgaon deur een spaciaole en muzikaole rondrit mit een opvalende DAFtruck om zo in een flink tal dörpen meensken an te vieteren aovens naor et festival te kommen. An et festival deden vuuf dielnemers mit; de eerste pries was veur et kombo van Lammy Bruyns. **Bezukers festival en belangstellenden tocht: rond de 500**
  
- Op 21 augustus was de **prissentaoisie van et 25e boek** van Johan Veenstra. Et eerste exemplaor van 'Een vrouw van ivoor', dat diels autobiografisch is, wodde tiedens een kulturele aovend uutrikt an de Drentse schriefster Marga Kool. **Belangstellenden: 130**
  
- Op 24 augustus gong **de 41e sutelaktie** uut aende. De sutelaktie wodde eupend deur Twiede Kaemerlid Lutz Jacobi, die vervolgens tegere mit Johan Veenstra in Ni'jhooltpae an et sutelen gong. Ok de vroegere kulturdippeteerde Vrouw Jannewietske de Vries hulp een aovend mit an de aktie. Jaorliks doen zoe'n 80 vri'jwilligers mit om van de sutelaktie een sukses te maeken. Mit de sutelaktie wo'n jaorliks **roem 16.000 meensken** benaoderd en kommen (opni'j) in de kunde mit et Stellingwarfs.
  
- Op 28 augustus zetten Johan Veenstra en Sietske Bloemhoff heur mit heur idee **De verhaele-estafette** in Liwwadden in veur een pries van et jaorige VSB-foons, naodat ze deur de veurronden henne kommen weren. Jammer genoeg lokte et niet om heur veur de finale te plaetsen. **Belangstellenden: 300**
  
- Op 15 september kwam een delegaosie van **Bonaire op warkbezuuk** bi'j de SSR. Op Bonaire wodt perbeerd om de eigen tael overaende te holen en de delegaosie was beni'jd naor de warkwieze veur zoks in Stellingwarf. Veurzitter Ype Dijkstra hul een algemiene inleiding, dr. Henk Bloemhoff over (et belang van) kleine taelen en et Stellingwarfs Woordeboek, Sietske Bloemhoff vertelde over et vak Hiemkunde in et basisonderwies.
  
- Vanaf 22 september wodden vanwegens de Stellingwarver Dag op 31 oktober op de basisschoele van De Hoeve een viertal lessen geven t.b.v. een **foto tentoonstelling deur leerlingen**. Daorveur zorgden Geert Lantinga en Sietske Bloemhoff. **Tal leerlingen: 6**
  
- Op 1 oktober hul de Stellingwarver Schrieversronte een gezaemelike **literaire aovend** mit de Fryske Krite van Oosterwoolde en de biebeltheek van dat dörp. De aovend wodde orgeniseerd vanwegens et ofsluten van de sutelaktie en de Friese boekemaond. De aovend wodde verzorgd deur Sjoukje Oosterloo en Mindert Wynstra. **Bezukers: 50**



*Et permosieteam van et Stellingwarfs Meziekfestival komt in Berkoop an.  
(Foto: Lenus v.d. Broek)*

■ Op verzuuk van Kring van Bercoop verzorgde de Stellingwarver Schrieversronte op 12 oktober een **Stellingwarver avond** veur de leden van de Kring. Jan Koops en Jan de Vries, de auteurs van et boek 'De dörpen van Stellingwarf in oolde beelden' hadden veur de avond een speciaal pergramme klaarmaekt.

**Belangstellenden: roem 150**

■ Op 23 oktober was d'r in De Zon in Oosterwoolde een **gezaemelike kulturele avond** mit Stichting Kunstwerf. Veur et schoft vertelde Geert Lantinga over de geschiedenis van Stellingwarf totdat de eerste dörpen ontstonden, daarnao vertelde dr. Henk Bloemhoff over Stellingwarver volksverhaelen en vertelde Klaasje Herder tussendeur een tal volksverhaelen van Wube Lamers van de Kuunderwal. **Belangstellenden: 60**

■ Op 30 oktober vertelden veurzitter Ype Dijkstra en direkteur Sietske Bloemhoff tiedens de ledevergeerding van de PvdA ofd. Oost-Stellingwarf over de aktiviteiten van heur stichting. **Belangstellenden: 20**

■ Op 31 oktober wodde op 'e Hoeve de twiede **Stellingwarver Dag** hollen. Over de hiele dag henne weren d'r tal van aktiviteiten. De tentoonstelling van leerlingen van De Klaeter wodde eupend en een speciaal bundeltien mit heur foto's wodden prissentend. D'r was Levend Gaanzebod, een netuurfietstocht, et eerste Stellingwarver geoschatziken wodde hollen, en vri'jwilligers van de SSR hullen intied een ledewinaktie. Aovens was d'r een kulturele avond mit veurdracht, ienakter en meziek. **Belangstellenden en beriek: 450**

■ Op 15 november was d'r tiedens de Sneepersdag van et dörpsarchief van Noordwoolde ommedaenken veur et verschienen van de **roetegids 'Fietsen in en bij Noordwoolde'** van Titus de Boer en Jan de Vries. Mit ondersteuning van een speciaole PowerPoint wodde over de inhoud van disse 7e roetegids van de SSR deur de auteurs verteld. **Belangstellenden: 250**

■ Op 9 december was in et perveensiehuus in Liwwadden de prissentaoisie van et **kienderboek 'Over grote beren en knuffels'** van Xavière Kolk. Mit et boek wodt perbeerd dat d'r over muulike onderwarp as et misbruuk van kiender makkeliker praot wodden kan. Et verhael in et boek is in et Stellingwarfs, Bildts, Fries en Nederlaans opneumen. Et eerste exemplaar wodde uutrukt an kultuurdippeteerde Vrouw Sietske Poepjes.

**Belangstellenden prissentaoisie: 30**



*Veur de fietsexkursie van Freddie de Vries tiedens de Stellingwarver Dag was ommeraek veul belangstelling. (Foto: Lenus van der Broek)*



*Vanuit Bonaire is d'r veul belangstelling en interesse veur de manier van anpak deur de SSR om de eigen tael en kultuur in levend gebruik te hollen. (Foto: Sietske Bloemhoff)*

## 2. De websteden **Stellingwarfs.nl**, **Stellingplus.nl**, **Stellingia.nl** en Facebook

### **Stellingwarfs.nl**

De redaktie van de algemiene webstee Stellingwarfs.nl (**www.stellingwarfs.nl**) wodt op vri'jwillige basis verzorgd deur Henk Bloemhoff. **Tal unieke bezukers in 2015: 7.445**

### **Stellingplus.nl**

In 2015 warkte webmaster Ninke van der Veen drie uren in de maond an et veerder uutbouwen van de webstee StellingPlus en an de veerdere ontwikkeling van **www.stellingia.nl**. StellingPlus (**www.stellingplus.nl**) is mit naeme bedoeld veur een bried aanbod op et gebied van de Stellingwarver streektael en streekkultuur. Et gaot liekewel ok om (jonge) meensken an te vieteren om op alderhaande gebied aktief te wodden mit en veur de eigen streektael en streekkultuur. De redaktie van StellingPlus wodt verzorgd deur Sietske Bloemhoff.

**Tal unieke bezukers in 2015: 2478**

### **Stellingia.nl**

De webstee **www.stellingia.nl** is et digitale Kenniscentrum van de Stellingwarver Schrieversronte. In et verslagjaar wodden niet alliend opni'j boeken digitaliseerd en plaetst, mar ok een tal biezondere kollekties, de eerste 40 jaorgangen van et Stellingwarfs tiedschrift De Ovend, de index van De Ovend, de Stellingwarver Spreukekelenders, alle edisies van de boekekraante 'Twie pond 'n stuver', onderwiesmateriaol en de index van de haandbiebeltheek. **Tal unieke bezukers in 2015 (eerste jaor): 908**

Et beheer van de drie websteden is in hanen van Albertjan Leupen.

### **Facebook**

Sund begin 2015 het de Stellingwarver Schrieversronte ok een eigen Facebookbladziede. Twie keer in de weke wodden daar de laeste berichten op plaetst deur mitwarkster Immy Sloot. Wat opvaalt is dat mit Facebook ere belangstellende trokken wodden as middels de ere media.

## 3. Projekt **Veurlezen op ukkespeulplakken**

Veur de achtste keer organiseerde de Stellingwarver Schrieversronte een veurleesaktie in zowat alle ukkespeulplakken en plakken veur kienderopvang in de beide Stellingwarven. Zoe'n twintig vri'jwilligers zetten heur in veur disse taelstimulerende aktie, die koördineerd wodt deur de vri'jwilligers Wikje Haan en Akkie Zeilstra. In anraeking mit et Stellingwarfs kommen zo omdebi'j **900 ukken**



#### 4. Eupen Stal

Tiedens de vier weken durende tentoonstelling 'Eupen Stal' was d'r in et gebouwen van de Schrieversronte dit jaor gien extra aktiviteit. Wel was in de hal extra ommedaenken veur alle uitgiften van de Stellingwarver Schrieversronte. Vri'jwilligers hulpen mit om de hieltied tekst en uutleg over de aktiviteiten van de Stellingwarver Schrieversronte en de uutgeverij te geven te kunnen. **Beriek: 9000**

#### 5. Stellingwarfs Meziekfestival

De organiserende kemmissie van et Stellingwarfs Meziekfestival (de brieder opzette opvolger van 'Stellingwarf-pop') kwam in 2015 extra bi'j mekere om veur een vernij'ing van dat festival te zorgen. Niet allien popgroepen kun now mitdoen, mar ok singer-songwriters, koren en gao mar deur. In een goeie saemenwarking mit SA3 (Stichting Algemene Aktiviteiten Appelscha) kon et festival hopen woden op 'e Boerestreek in Appelsche. An et festival deden vuuf groepen mit. Veur een extra optreden zorgde Serge Epskamp, de winner van 2012. De jury beston uut Philomène Bloemhoff, Appie van Riezen en Serge Epskamp. Veur de prissentasie zorgde Anna Span. Overdag wodde mit een opvalende DAFtruck een permosietoer. **Tal bezukers festival: 250, beriek toer: 250**

#### 6. Ofsluting Stellingwarver en Friese boekemaond

Op 1 oktober hul de Stellingwarver Schrieversronte een gezaemelike literaire aovend mit de Fryske Krite van Oosterwoolde en de biebeltheek van dat dörp. De aovend wodde organiseerd vanwegens et ofsluten van de sutelaktie en de Friese boekemaond. De aovend wodde verzorgd deur Sjoukje Oosterloo en Mindert Wynstra. **Bezukers: 50**

#### 7. Lezings

Op 13 april hul Niek van der Oord een lezing over zien boek 'Joodse Werkkampen'. Dat gebeurde n.a.v. de eupening die dag van de tentoonstelling over de Twiede Wereldoorlog in de regio. **Tal belangstellenden: 80**

Op 20 meie gong veurzitter Ype Dijkstra nao et officiële pat van de jaorvergeerding op een 'College-tour'-achtige wieze in gesprek mit Jaap van der Bij van de Rie foar de Fryske beweging. **Et behoold van kleine taelen was daorbij et belangrikste gespreksonderwerp. Belangstellenden: 35**

#### 8. Veurleesweke veur oolderen

Veur de achtste keer gongen in jannewaori zoe'n twintig vri'jwilligers veurlezen in de verschillende verzorgingstehuzen in de Stellingwarven en in De Menning in Wilhelmina-oord. De koördinasie wodt alle keren verzorgd Schrieversronte-mitwarkster Immy Sloot. **Tal belangstellenden: omdebi'j 250**

#### 9. Streekmarken, boekemarken en streekfestivals

Deur et hiele jaor henne was de Schrieversronte op tal van streekmarken en streekfestivals anwezig mit een info- en/of verkoopkraam, die alle keren bemand wodde deur vri'jwilligers. Tal meensken dat op disse wieze in anraeking komt mit et Stellingwarfs en de Stellingwarver streekkultur: **roem 4000 personen**



*Ype Dijkstra tiedens jaorvergeerding in gesprek mit Jaap van der Bij.  
(Foto: Sietske Bloemhoff)*

## C 3. PROJEKTMANAGEMENT

In 2015 wodde weer mit tal van verschillende ere instellings saemenwarkt.

### 1. Stellingwarf Kultureel

Ieder jaor is d'r ien of twie keer et overleg 'Stellingwarf Kultureel' mit de Vereniging Historie Weststellingwerf, de Ooldhiedkaemer (West-Stellingwarf) en 't Vlechtmuseum Noordwoolde. Op die wieze hollen de vier instellings kontakt mit mekere en wo'n alderhaande zaeken daor alle viere mit te maeken hebben (kunnen) bepraot. Omreden de Ooldhiedkaemer, mar ok 't Vlechtmuseum mit biezuudere omstanigheden te maeken kregen, bin de bi'jienkomsten uutsteld tot laeter.

### 2. Alles rondom taal

Tegere mit Klaasje Herder (biebeltheken Oost-Stellingwarf) en Femke Adams (boekhandel Bruna) vormt Sietske Bloemhoff de literaire warkgroep *Alles rondom taal*. Die warkgroep, die onderdiel is van Stichting Kunstwerf, organiseerde in de kienderboekeweke van 2015 opni'j een tal warkwinkels haandboekebienen veur kiender. **Beriek: 160 leerlingen**

### 3. Saemenwarking mit Afûk

#### a. Tomke

Ok in 2015 kon deur een goeie saemenwarking over en weer et boekien veur ukken *Tomke* verschienen. De Stellingwarver Schrieversronte verspreidet et boekien ommenocht onder alle (zoe'n 900) ukken van Stellingwarf. Veur de vertaeling zorgde opni'j Sjoukje Oosterloo. **Beriek: omdebi'j 900 ukken**

#### b. Vertaeling

Veur et kienderboek 'Over grote beren en knuffels' zorgde Afûk-mitwarkster Hermien van der Meer veur de Friese vertaeling.

### 4. Saemenwarking mit Tresoar

#### a. Warkwinkel Lietteksen

In 2015 wodden de meugelikheden veur een gezaemlike warkwinkel 'Lietteksen' mit anslutend een festival Liwwadden veerder bepraot. Bi'j dat overleg is ok Stichting Ons Bildt betrokken. Vanwegens de financiële meugelikheden is saemenwarking zocht mit EBLT (Europeesk Buro foar Lytse Talen). Laeter is ansluting zocht mit Stichting Liet. Et is niet lokt om ien en aander al in 2015 te organiseren.

#### b. De Vertelkoffer

'De vertelkoffer' veur et basisonderwies wodt i.s.m. Tresoar anbeuden.

#### c. Digitalisering

In een professioneel opzet digitaliseringsprojekt van Tresoar angaonde Friese literatuur, zal ok de Stellingwarver literatuur mitneumen wodden, zo is in 2013 ofpraot. Ien en aander is in 2015 nog niet van de grond kommen, wat et Stellingwarfs angaot.

### 5. Saemenwarking mit Fryske Akademy

Tiedens een overleg in 2012 angaonde meer saemenwarking, wodde doe konstateerd dat op et gebied van et wetenschappelik onderzuuk d'r zeker meugelikheden weren. Et risseltaot is dat in de twiede helte van 2013 dr. Henk Bloemhoff ansteld is bi'j de FA as gaastonderzoker lexikografie en veldnaemekunde. Ok in 2015 warkte Bloemhoff veerder an de digitalisering van et Stellingwarfs Woordeboek en et zorgen veur diel VII van de veldnaemeserie *De veldnaemen van Oosterwoolde*.

## 6. Saemenwarking mit ere Nedersaksische taelinstututen en SONT

Mit de ere Nedersaksische streektaelinstellings van Noordoost-Nederlaand en Stichting SONT was d'r dit jaor ok now weer mit een zekere riegelmaat kontakt. Dat kontakt was d'r mit naeme angaonde de stand van zaeken rond de erkenning van et Nedersaksisch.

## 7. Saemenwarking mit Historische Verienings

Behalven de gewone kontakten mit de Historische Verienings zoas die van Haulerwiek en de Vereniging Historie Weststellingwerf was d'r mit naeme saemenwarking mit de H.V. Appelsche en H.V. Oosterwoolde e.o. Zo wodde veur de H.V. Appelsche een Kursus Laandschopsgeschiedenis ontwikkeld en was d'r mit de H.V. Oosterwoolde veerder overleg angaonde et uitgeven van een boek over de veldnaemen van Oosterwoolde. Mit et Dörpsarchief Berkoop wodde een tentoostelling inricht over de Twiede Wereldoorlog in de regio, en mit et Dörpsarchief Noordwoolde e.o. wodde saemenwarkt bi'j de realisering van de routegids 'Fietsen in en bij Noordwoolde. **Beriek: roem 1000**

## 8. Projekt toerisme in Stellingwarf

De Stellingwarver Schrieversronte wodt mit riegelmaat vraogd naor alderhaande toeristische meugelikheden in et gebied. Mit mekeer bin now zeuven routegidsen uitgeven; de drie volgende zullen in 2016 verschienen. Veur 2017 staon d'r weer twie gidsen op staepel. **Beriek: 1250 personen**



*Oold-dippeteerde van kultuur Vrouw Jannewietske de Vries (rechts) en Johan Veenstra sutelden in Berkoop. (Foto: Lenus van der Broek)*

## D 1. BESTUURS- EN ORGANISASIE-ONDERSTEUNING

Veur de bestuurs- en organisaasie-ondersteuning zorgt de direkteur van de stichting. Dat betekent in de praktijk dat et bestuur goed op de hoogte hollen wodt mit de lopende aktiviteiten en de ni'je plannen. Zo is d'r maandeliks een ofstemmingsoverleg mit de veurzitter en ponghoolder, d'r wodt zorgdreugen veur et veurbereiden van de bestuursvergeederings en de jaorvergeederings, en d'r wodt zorgd veur et leggen van de neudige kontakten mit de overheden en ere subsidiegevers.

De direkteur gefft uteraord ok de daegelikse leiding an et ere passeniel van de stichting, ien keer in de maand is d'r een warkoverleg. Daornaost wodt veur de neudige koördinaasie zorgd van alle vri'jwilligersaktiviteiten.

## D 2. VRI'JWILLIGERSAKTIVITEITEN

### 1. Kenniscentrum

Tiedens et verslagjaor zol et tal 'vaaste' vrijwilligers gruuien naor zeuven meensken. Mit vaaste vri'jwilliger wodt bedoeld dat meensken ien of meer dagdielen naor de instelling kommen en heur inzetten veur de Stellingwarver Schrieversronte. De groep zet him mit naeme in veur et herorganiseren van et Kenniscentrum, et digitaliseren daarvan en et plaetsen van et digitaliseerde wark op de ni'je webstee Stellingia.nl. Vanof jannewaori 2015 bin de ciefers angaonde de unieke bezukers van de ni'je webstee bi'jholen. **Beriek: 908 personen**

### 2. Sutelaktie 2015

De sutelaktie van 2015 brocht een bedrag op van roem € 12.200,- Dat gefft an dat de verkoop van de boeken en kelenders weer in de lift zit. Veur dit mooie risseltaot zorgden zoe'n 80 vri'jwilligers. Et bestuur is butengewoon inneumen mit et feit dat veul meensken heur op vri'jwillige basis inzetten willen veur disse zo belangrieke aktie veur onnze stichting. **Beriek: roem 16.000 personen**

Toppers in de verkoop weren de Stellingwarver Spreukekelender, et boek 'Jongesjaoren' van Gerrit Hof, et boek 'Een vrouw van ivoor' van Johan Veenstra en de serie van zeuven routegidsen. Ok ooldere uitgiften as 'De Friese waterlinie' van Meindert Schroot en 'De dörpen van Stellingwarf in oolde beelden' van Jan Koops en Jan de Vries deden et goed. **Beriek: 1.000 personen**

### 2. Boeekraante *Twie pond 'n stuver*

De warkgroep Publiciteit zorgde weer veur genoeg adverteerders om de jaorlikse boeekraante in een oplaoge van 25.000 stoks verschienen te laoten. De huus-an-huuskraante in Oost- en West-Stellingwarf verscheen veur de 35e keer en beston uut zestien bladzieden. Et redaktiewark wodde, krek as veurgaonde jaoren, uutbesteded. In de kraante is d'r alle keren veul ommedaenken veur de ni'jste uitgiften, mar d'r bin ok altied interviews mit o.e. schrievers in opneumen. **Beriek: 50.000 personen**

### 3. Stellingwarver Spreukekelender

In meie verscheen bi'j uitgeveri'je Van de Berg in Almere de Stellingwarver Spreukekelender veur et jaor 2016. Omdat de redaktiekosten deur die uitgeveri'je dreugen wodden, bestedet de Schrieversronte gien uren an dit taelbevodderende projekt. De kelender wodde saemensteld deur Sietske Bloemhoff, die van een flink tal vaaste mitwarkers ofwisselende kopie kregen. Die mitwarkers in 2015 weren Roely Bakker, Koosje Hornstra, Harmen Houtman, Henk Jager, Kees Koopstra, Sjoukje Oosterloo, Frank Spijkers en Freddie de Vries. **Beriek: 2.000 personen**

### 4. De Iedestaand

De Iedestaand per 31 december 2015 is 1024 (was 1049 in 2014). Et bestuur het et veurnemen om deur te gaon mit speciaole Iedewinakties, zoas die de laeste peer jaor, suksesvol, hollen wodden tiedens bi'jglieks de Stellingwarver Dag.

## ET JAOR- EN PRODUKTVERSLAG 2015 VAN DE STICHTING ET BOEKEFOONS

Stichting Et Boekefoons,  
Willinge Prinsstraote 10,  
8421 PE Berkoop/Oldeberkoop

### Saemenstelling bestuur in december 2015

**Veurzitter:** Ype Dijkstra, Oosterwoolde

**Siktaoris:** Hendrik Fokkema, Sunnege

**Ponghoulder:** Henk Koelma, Hooltpae

**Twiede veurzitter:** Jan Baas, De Oosterstreek

**Leden:** Peter Riksmas, Zandpol,

Jan Russchen, Oosterwoolde en

Geke Zanen-Dokter, Zuudwoolde

### Direktie

De direktie is ienheufdig en de funktie van de direktie wodt uitvoerd deur Sietske Bloemhoff, Ni'jberkoop

### Statutaire naeme, vestigingsplak, doel

De Stichting Et Boekefoons wodde opricht op 1 oktober 1986 en kent as vestigingsplak Oosterwoolde, gemeente Oost-Stellingwarf. Doel is neffens artikel 2 van de Stichting: *1. De stichting stelt zich ten doel het Stellingwerfs als levende streektaal te handhaven en te bevorderen. 2. Zij tracht dit te bereiken door: a. het zelf uitgeven of doen uitgeven dan wel het bevorderen van het verschijnen van publicaties in het Stellingwerfs; b. het bevorderen van het gebruik van het Stellingwerfs als schrijftaal in het Stellingwarver taalgebied.*

In et jaorverslag 2004 is uutlegd waaromme as de stichting destieds opricht is. De Stichting is verantwoordelik veur de uitgifte van boeken in et Stellingwarfs en van boeken over Stellingwarf, et Stellingwarfs en alle regionale kultuuruterings. De Stichting kan ok de saemenwarking zuken mit aandere uitgevers om publikaosies gezaemelik uut te geven of om publikaosies van aandere uitgevers te distribueren of om publikaosies van anderen publicitair te ondersteunen.

In et jaorverslag van de Stichting Stellingwarver Schrieversronte 2015 kan onder de heufdstokken C Publikao-sies (en dan mit naeme 2. Et uitgeven van boeken) en D Vri'jwilligersaktiviteiten (en dan mit naeme sutelaktie, boeekraante en Stellingwarver spreukekelinder) lezen wodden welke aktiviteiten deur de Stichting Et Boekefoons in 2014 uitvoerd binnen.

Et risseltaot van alle investerings en inspannings in 2015 - zoas een bi'jdrege van € 14.458 an de Stellingwarver Schrieversronte - is een negatief risseltaot van € 2.381. Een negatief risseltaot is niet zo slim wezen omreden de uitgeverspoletiek ok richt is om boeken uut te geven die slim de muute weerd binnen en waar lichtkaans wel es geld bi'j moet. Daorumme is et altied wel van belang om een redelik reserve in Et Boekefoons te hebben om ok es tegenvallers in die uitgeveri'je op te vangen.

Aan het bestuur van  
Stichting Et Boekefoons  
Willinge Prinsstraat 10  
8421 PE Oldeberkoop

Wolvega, 25 maart 2016

Geacht bestuur,

Hierbij brengen wij verslag uit over het boekjaar 2015 van uw stichting.

## 1 OPDRACHT

Ingevolge uw opdracht hebben wij de jaarrekening 2015 van uw stichting, waarin begrepen de balans met tellingen van € 131.331 en de winst-en-verliesrekening sluitende met een negatief resultaat van € 2.381, samengesteld.

## 2 BEOORDELINGSVERKLARING VAN DE ONAFHANKELIJKE ACCOUNTANT

Wij hebben dein dit rapport opgenomen jaarrekening 2015 van Stichting Et Boekefoons te Oldeberkoop beoordeeld. Deze jaarrekening bestaat uit de balans per 31 december 2015 en de winst-en-verliesrekening over 2015 met de toelichting, waarin zijn opgenomen een overzicht van de gehanteerde grondslagen voor financiële verslaggeving en andere toelichtingen.

### Verantwoordelijkheid van het bestuur

Het bestuur van de stichting is verantwoordelijk voor het opmaken van de jaarrekening die het vermogen en het resultaat getrouw dient weer te geven in overeenstemming met de Richtlijn voor de jaarverslaggeving voor kleine organisaties zonder winststreven. Het bestuur is tevens verantwoordelijk voor een zodanige interne beheersing als het noodzakelijk acht om het opmaken van de jaarrekening mogelijk te maken zonder afwijkingen van materieel belang als gevolg van fraude of fouten.

### Verantwoordelijkheid van de accountant

Onze verantwoordelijkheid is het geven van een conclusie over de jaarrekening op basis van onze beoordeling. Wij hebben onze beoordeling verricht in overeenstemming met Nederlands recht, waaronder de Nederlandse Standaard 2400, 'Opdrachten tot het beoordelen van financiële overzichten'. Dit vereist dat wij voldoen aan de voor ons geldende ethische voorschriften en dat wij onze beoordeling zodanig plannen en uitvoeren dat wij in staat zijn te concluderen dat ons niet is gebleken dat de jaarrekening afwijkingen van materieel belang bevat.

Een beoordeling in overeenstemming met de Nederlandse Standaard 2400 resulteert in een beperkte mate van zekerheid. De in dit kader uitgevoerde werkzaamheden bestonden in hoofdzaak uit het inwinnen van inlichtingen bij het management en overige functionarissen van de entiteit, het uitvoeren van cijferanalyses met betrekking tot de financiële gegevens alsmede het evalueren van de verkregen informatie. De werkzaamheden uitgevoerd in het kader van een beoordelingsopdracht zijn aanzienlijk beperkter dan die uitgevoerd in het kader van een controleopdracht verricht in overeenstemming met de Nederlandse controlestandaarden. Derhalve brengen wij geen controleoordeel tot uitdrukking.

### Conclusie

Op grond van onze beoordeling is ons niets gebleken op basis waarvan wij zouden moeten concluderen dat de jaarrekening geen getrouw beeld geeft van de grootte en de samenstelling van het vermogen van Stichting Et Boekefoons per 31 december 2015 en van het resultaat over 2015 in overeenstemming met Titel 9 Boek 2 van het in Nederland geldende Burgerlijk Wetboek (BW).

# BALAANS STELLINGWARVER SCHRIEVERSRONTE

Omschrijving 31-12-2015 31-12-2014

## AKTIVA

### Vaaste aktiva

#### Materiële vaaste aktiva

Bedrijfsgebouwen en -terreinen	€ 193.601	€ 193.601
Inventaris	€ 1.353	€ 1.912

### Vlottende aktiva

#### Vodderings

Overlopende aktiva	€ 4.866	€ 2.386
--------------------	---------	---------

<b>Liquide middels</b>	€ 6.801	€ 12.043
------------------------	---------	----------

-----	-----
€ 206.621	€ 209.942
=====	=====

Omschrijving 31-12-2015 31-12-2014

## PASSIVA

### Eigen vermogen

Algemene reserve	€ -34.526	€ -31.793
Herwarderings reserve	€ 193.601	€ 193.601
	-----	-----
	€ 159.075	€ 161.808

### Veurzienings

Groot onderhoud veurziening	€ 30.650	€ 32.847
--------------------------------	----------	----------

### Kotlopende schulden

Belastingen en soc.premies	€ 5.057	€ 4.974
Stichting Et Boekefoons	€ 2.439	€ 1.451
Overige schulden		
Overlopende passiva	€ 9.400	€ 8.862

-----	-----
€ 206.621	€ 209.942
=====	=====

## STAOT VAN BAOTEN EN LASTEN

Omschrijving	2 0 1 5 Begroting	Warkelik	2014 Warkelik	2016 Begroting
<b>BAOTEN</b>				
Subsidies	€ 130.250	€ 130.168	€ 134.146	€ 130.168
Hiemkunde, Comperio	€ 18.962	€ 20.112	€ 16.524	€ 18.962
Kontribusies De Ovend	€ 18.000	€ 18.003	€ 17.674	€ 18.000
Adverteensies De Ovend	€ 1.200	€ 600	€ 1.250	€ 1.200
Bi'jdrege Et Boekfoons	€ 6.458	€ 5.000	€ 5.000	€ 5.000
Vergoeding kursusgeld	€ 2.000	€ 1.514	€ 2.430	€ 1.500
Diversen	€ 1.000	€ 5.772	€ 1.152	€ 950
	-----	-----	-----	-----
<b>TOTAAL BAOTEN</b>	<b>€ 177.870</b>	<b>€ 181.169</b>	<b>€ 178.176</b>	<b>€ 175.780</b>
	=====	=====	=====	=====
<b>LASTEN</b>				
Passenielskosten	€ 130.590	€ 136.800	€ 132.540	€ 135.449
Ofschrijvingen	€ 314	€ 559	€ 364	€ 364
Huusvestingskosten	€ 12.000	€ 11.825	€ 11.663	€ 10.500
Inventaoriskosten	€ 4.000	€ 4.224	€ 3.757	€ 3.000
Uutvoeringskosten	€ 4.500	€ 4.905	€ 6.882	€ 4.500
Algemeiene kosten	€ 14.000	€ 13.882	€ 13.893	€ 12.000
Lede-aktiviteiten	€ 12.000	€ 11.221	€ 13.815	€ 9.867
Financiële baoten en lasten	€ 466	€ 472	€ 310	€ 100
Popfestival		€ 14	€ 1.084	
	-----	-----	-----	-----
<b>TOTAAL LASTEN</b>	<b>€ 177.870</b>	<b>€ 183.902</b>	<b>€ 184.308</b>	<b>€ 175.780</b>
	=====	=====	=====	=====
<b>NAODELIG RISSELTAOT</b>		<b>€ 2.733</b>	<b>€ 6.132</b>	
		=====	=====	
<b>VEURDELIG RISSELTAOT</b>				